

# Vitia bëhet me plan komunal për menaxhim të mbeturinave

Ibrahim Sefedini

VITI, 20 SHTATOR – Pas miratimit të ligjit i cili u mundëson komunave themelimin e ndërmarrjeve publike që merren me menaxhimin e mbeturinave, Komuna e Vitisë, ka hartuar planin komunal për menaxhim të mbeturinave, sipas të cilit plan duhet të operojë kompania që do të jetë në kompetencë të komunës. Ky plan që është hartuar në bashkëpunim me projektin LOGOS të qeverisë zvicerane, është mirëpritur edhe nga qytetarët të cilët presin një përmirësim të shërbimeve komunale në krahasim me atë që ishte deri më sot. Agim Haziri, drejtor komunal për shërbime publike, ka thënë se përmes këtij plani janë paraparë të gjitha aktivitetet si operacionale ashtu edhe financiare të kompanisë që do të merret me menaxhim të mbeturinave në mënyrë që ajo t' u shërbejë sa më shumë dhe sa më mirë qytetarëve. "Përmes këtij plani do të përmirësohen dukshëm shërbimet komunale në aspektin e menaxhimit të mbeturinave dhe se këto shërbime do t' u ofrohen gjithë qytetarëve në territorin e komunës së Vitisë", ka thënë Haziri.

Ndërsa, Fatime Rrahmani, nga projekti LOGOS, ka thënë se komuna e Vitisë dhe ajo e Hanit të Elezit, janë komunat e para në Kosovë që kanë planet për menaxhim të mbeturinave, të cilat janë hartuar nga vetë komunat në bashkëpunim me konzulentë profesional të LOGOS-it dhe qytetarët. Ajo ka thënë se përmes këtyre planeve këto komuna do të kenë më lehtë të ofrojnë shërbime përgjegjës i kompanisë për mbeturinave.

nave. Edhe qytetarët janë shprehur se komuna me planin për menaxhim të mbeturinave dhe themelimin e kompanisë publike, mund të ndikojë në ngritjen e cilësisë së shërbimeve në menaxhim të mbeturinave, pasi gjendja momentale nuk është mirë. Xhemajl Sylejmani, nga fshati Gërmovë, ka thënë se janë diku 30 familje në fshat ku për momentin kompania nuk u ofron shërbime kurse në anën tjeter ngarkohen me borxhe. "Me këtë plan duhet të parashihet edhe shtrirja e shërbimeve tek çdo familje në mënyrë që ajo të marrë shërbimet dhe të paguajë për to", ka thënë Sylejmani. Kurse Islam Shema, nga Begunca, është shprehur se gjatë muajve të dimrit në këtë lokalitet nuk grumbullohen mbeturinat dhe kjo po u shkakton telashe qytetarëve, prandaj çdo aktivitet që con në drejtë që këto shërbime të ofrohen më mirë është i mirëseardhur. Por sipas përfaqësuesve të kompanisë për mbeturina, problemet që kanë të bëjnë me grumbullim të mbeturinave nuk lidhen vetëm me operimin e kompanisë, por edhe me vetëdijesimin e qytetarëve që ata të kryejnë obligimet e tyre ndaj kompanisë për shërbimet që marrin. "Për momentin kompania u ofron shërbime rrëth 3 mijë klientëve, kurse vetëm 50 për qind e tyre kryejnë obligimet dhe kjo normalisht se ndikon që kompania mos të jetë në gjendje të operojë në gjithë territorin e komunës, prandaj me plan duhet punohet edhe në vetëdijesimin e qytetarëve që ata të kryejnë obligimet e tyre", ka thënë Kabil Hajdari,



Fatime Rrahmani, nga projekti LOGOS, ka thënë se komuna e Vitisë dhe ajo e Hanit të Elezit janë komunat e para në Kosovë që kanë planet për menaxhim të mbeturinave, të cilat janë hartuar nga vetë komunat në bashkëpunim me konzulentë profesional të LOGOS-it dhe qytetarët.